

板桥集

一函
六册



家書

與舍弟書十六通

興化鄭燮板橋氏著

雍正十末 杭州韜光庵中寄舍

弟墨

誰非黃帝堯舜之子孫。而至于今日。其不幸而為臧獲。為婢妾。為輿臺。皂隸。窘窮迫逼。無可奈何。非其數十代以前。即自臧獲婢妾輿臺。

阜隸來也。一旦奮發有爲。精勤不
倦。有及身而富貴者矣。有及其子
孫而富貴者矣。王侯將相。豈有種
乎。而一二失路名家。落鬼貴冑。借
祖宗以欺人。述先代而自大。輒曰。彼何
人也。反在霄漢。我何人也。反在泥塗。
天道不可憑。人事不可問。嗟乎。不
知此心所謂。天道人事也。天道福

善。福。淫。彼。義。而。富。貴。尔。淫。而。貧。賤。
理。也。庸。何。傷。天。道。循。環。倚。伏。彼。祖。
宗。貧。賤。今。當。富。貴。尔。祖。宗。富。貴。今。
常。貧。賤。理。也。又。何。傷。天。道。如。此。人。事。
即。在。其。中。矣。愚。兄。為。秀。才。時。檢。家。
中。舊。書。篋。得。前。代。家。奴。契。券。即。
於。燈。下。焚。去。并。不。返。諸。其。人。恐。明。與。
之。反。多。一。番。形。迹。增。一。番。愧。恥。自。我。

用人從不書券。令則留。不合則去。何
苦存此一帋。使吾後世子孫。借為口實。
以便苛求。抑勒乎。如此存心。是為人處。
即是為己處。若事事預留把柄。使入
其網羅。無能逃脫。其窮愈速。其禍
即來。其子孫即有不可問之事。不可
測之憂。試看世間會打算的。何曾
打算得別人一點。直是算盡自家。

耳。可衣可歎。吾弟識之。

焦山讀書寄四弟墨

僧人徧滿天下。亦是西域送來的。即
吾中國之父兄子弟。窮而無歸。入而
難返者也。削去頭髮。便是他。留起頭
髮。還是我。怒眉瞋目。此為異端。而深
惡痛絕之。亦覺太過。佛自周昭王時
下生。迄於滅度。足跡未嘗履中國上。

後八百年而有漢明帝。說謊說夢。
惹出這場事來。佛實不聞不曉。
今不責明帝。而齊聲罵佛。何事
乎。況自昌黎闢佛以來。孔道大明。佛
焰漸息。帝王卿相。一遵六經四子之
書。以為齊家治國平天下之道。此
時而猶言闢佛。亦如同嚼蠟而已。和尚
是佛之罪人。殺盜淫妄。貪婪勢利。無

復明心見性之規。秀才亦是孔子罪人。不仁
不智。無禮無義。無復守先待後之意。
秀才罵和尚。和尚亦罵秀才。語云。各
人自掃階前雪。莫管他家屋瓦霜。
老弟以爲然否。偶有所觸。書以寄
汝。并示無方師一笑也。

儀真縣江村茶社寄舍弟

江雨初晴。宿烟收盡。林花碧柳。皆洗

沐以待朝暾。而又嬌鳥喚人。微風疊浪。吳楚諸山。青蔥明秀。幾欲渡江而來。此時坐水閣上。烹龍鳳茶。燒夾剪香。令友人吹笛作落梅花一弄。真是人閒仙境也。嗟乎。為文者不當如是乎。一種新鮮秀活之氣。宜塲屋利科名。即其人富貴福澤享用。自從容無棘刺。王逸少。虞世南書。字。

字謦逸。二公皆高年厚福詩人李白
仙品也。王維貴品也。杜牧雋品也。維牧皆
得大名。歸老輞川。樊川車馬之客。日造
門下。維之弟有縉。牧之子有荀。鶴又復
表。後人惟太白長流夜郎。然其走馬
上金鑾。御手調羹。貴妃侍硯。與崔宗
之著官錦袍。游遨江上。望之如神仙。過揚
州。未匝月。用朝廷金錢三十六萬。凡失路

名流落魄公子。皆厚贈之。此其際遇何如哉。正不得以夜郎為太白病。先朝董思白。我朝韓慕廬。皆以鮮秀之筆。作為制藝。取重當時。思翁猶是慶歷規模。慕廬則一掃從前。橫斜踈放。愈不整齊。愈覺妍妙。二公並以大宗伯歸老於家。享江山兒女之樂。方百川靈臯兩先生。出慕廬門下。學英文而精思。刻苦

遇之。然一片怨詞。滿紙悽調。百川早世。靈臯
晚達。其崎嶇也難矣。至矣。皆其文之所必
致也。吾弟為文。須想春江之妙境。挹先
輩之美詞。令人悅心娛目。自尔利科名。厚
福澤。或曰。吾子論文。常曰生辣。曰古奧。曰離
奇。曰澹遠。何忽作此秀媚語。余曰。論文公
道也。訓子弟私情也。豈有子弟而不顧其富
貴壽考者乎。故韓非商鞅晁錯之文。非不

剗削。吾不顧子弟學之也。褚河南歐陽率
更之書。非不孤峭。吾不顧子孫學之也。郊
寒鳥瘦長。吉鬼語。詩非不妙。吾不顧子孫
學之也。私也。非公也。是日許生既白。買舟繫
閣下。邀看江景。并遊一餞港。書罷登舟
而去。

焦山別峰庵。兩中無事。書寄舍
弟墨。

秦始皇燒書。孔子亦燒書。刪書。斷自唐虞。則唐虞以前。孔子得而燒之矣。詩三千篇。存三百十一篇。則二千六百八十九篇。孔子亦得而燒之矣。孔子燒其可燒。故灰滅無所復存。而存者為經。身尊道隆。為天下後世法。始皇虎狼其心。蜂蠆其性。燒經滅聖。欲剗天眼。而濁人心。故身死宗亡。國滅而遺經復出。始皇之燒。正不如孔子之燒也。有漢

以來求書著書。汲汲每若不可及。魏晉而下。迄於唐宋。著書者數于百家。其閒風雲月露之辭。悖理傷道之作。不可勝數。常恨不得始皇而燒之。而抑又不然。此等書不必始皇燒。彼將自燒也。昔歐陽永叔讀書秘閣中。見數千萬卷。皆黹爛不可收拾。又有書目數十卷。亦爛去。但存數卷而已。視其人名。皆不識。視其書名。皆未見。

夫歐公不為不博。而書之能藏秘閣者。必非
無名之子。錄目數卷中。竟無一人一書識者。
此其自焚自滅。為何如。尚待他人舉火乎。近
世所存漢魏晉叢書。唐宋叢書。津逮秘
書。唐類函。說郛。文獻通考。杜佑通典。鄭
樵通志之類。皆卷冊浩繁。不能翻刻。數百
年兵火之後。十亡七八矣。劉向說苑新序。韓
詩外傳。陸賈新語。揚雄太玄法言。王充論衡。